

IOANE ĜENA TORETORE VAĞA-TOITOINA

3 Ioane vağ-a-foforina guruğari

Ioane na mai fefa vağ-a-toitoina tu ekalesia gwağıgina ta arana Gaius ĝena etoreato.

Mai fefa tu lağani 85 ma 100 fakari nuğanai ta Ioane na etoreato, mo tu Iesu maki emaseto murinai vau.

Siri baregonata siri 5.

Ioane na mai fefa etoreato ĝena ura tu, 1) Gaius bene launağıa, mo tarikaka tari eğabi-rağerito moğeri dairi ai; 2) Gaius bene vağ-a-ribai, mo seğafore tarimana arana Diotrefe tu Ioane tauğena beiağoni vauro bea kira-feifeiani etato; 3) Demetrio ĝena veiğ-a namori bene gitari etato.

Ioane na mai fefa tu maiğesi eboioğaiato:

1. Gaius evağ-a-nağıato - siri 1-8
2. Diotrefe ekira-rakavaiato - siri 9-11
3. Demetrio evağ-a-rägeato - siri 12-14

¹ Au, ekalesia ġorikauna taugu, na ġatagu namona Gaius atore-vinimuni. Ĝoi aura-vinimuni ma nuğagu mabarana ġesi.

² Ĝatagu namomu, Barau anoğiani dagara mabarari oveirini tu namo begene vağ-a-ġorari ġana, ema ġoi maki asi bono keve-misimisi, korana au ribagu ġoi iaukamu tu namo, be namo e iaku ai moğo bono tanu. ³ Tarikakara tari ġeiağomato, benamo kamasi ġoi guruğ-a moğonina okorana-iägiani e ġemu vetuğamağikau

ḡema-varifiuato. Moḡeri aseḡaḡirito nai, au tu aiaku-rakavato. ⁴ Aseḡaḡini, au natugu guruḡa moḡonina ḡekorana-iaḡiani nai, ḡegu iaku e verere ḡebarego-rakavani. Dagara tari iakuri oveini maki evanaḡirini.

Gaius ḡena ḡauwei ḡevaḡa-raḡeato

⁵ Ġatagu namomu, ḡoi tu ma ḡemu vetuḡamaḡikau mani ḡauwei oveiani nai, korana tarikakara tari ḡeri iaḡoiaḡo ai oḡabi-raḡerini, enabe asi ribamu tarimari. ⁶ Ġia na mai ekalesia ḡoirari ai ḡoi ḡemu veuravini ḡema-kiraḡi-foforirito. Mani ḡemu veiḡa ma bono vaḡa-kavari, be ḡeri iaḡoiaḡo beḡene iaḡo-vinia Barau ḡena ura dabarana ilailanai. ⁷ Korana tu Keriso arana dainai ḡeraka-rosito, ema ḡeri iaḡoiaḡo ai tu asi ekalesia tarimari ḡerina kara ta asi ḡeḡabi-raḡeato. ⁸ Ġita na tu moḡesi tarimari bitana vaḡa-kavari, korana moḡesina tu guruḡa moḡonina varifiuna uranai bita ḡauwei-vegogoni.

Diotrefe ḡena veiḡa tu rakava

⁹ Fefa kubina ta ekalesia doḡorona atore-viniato, senaḡi Diotrefe bene veḡorikau etoni tarimana na au na kara akiraḡirini tu asi eḡabi-raḡerini. ¹⁰ Moḡa lorinai au baiağosini tu, ġia na kara eveirini veiḡari mabarari basi ki-raḡi-foforirini, guruḡa rakavari ḡai ḡemai eki-raḡirini guruḡari ema eḡofaḡofani guruḡari! Dia moḡeri veiḡa moḡo, senaḡi tarikakara tari ḡema-varivarini maki asi eurani bene ḡabi-raḡeri. Mo varivari bene ḡabi-raḡeri etoni ekalesiari maki ekourini ema ekalesia na etore-veḡitarini.

Demetrio ġena veiġa tu namo

¹¹ Ĝatagu namomu, rakava veiġari asi bono tovotovori, senaġi veiġa namori moġo. Veiġa namori eveini tarimana tu Barau ġena tarima, a veiġa rakavari eveini tarimana tu Barau asi eġitaiato.

¹² Tarimarima mabarari ġekirani, Demetrio tu tarima namona ġetoni; Barau ġena guruġa moġonina na maki evaġa-foforiani tu tarima namona. Ĝai na maki ġia tu moġesi ġakiraġiani, ema ġoi tu ma ribamu, ġai ġema guruġa tu moġoni.

Dokona guruġari

¹³ Au aurani guruġa ġutuma bara tore-vinimi, senaġi asi aurani fefai bana toreri. ¹⁴ Au ġegu tuġamaġi tu bana iaġosi, be taura ruarua tana tanu-veġoira vau tana guruġa-guruġa.

¹⁵ Maino ġemu ai bene tanu. Ĝatara maiġeri na ġevaġa-namomuni. Ĝatara maninai tata ġegu vevaġa-namo bono viniri.

GINITAĞO VARIĞUNA
The New Testament in the Sinaugoro Language of
Papua New Guinea
Nupela Testamen long tokples Sinaugoro long Niugini

Copyright © 1995 The Bible Society of Papua New Guinea

Language: Sinaugoro

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-20

PDF generated using Haiola and XeLaTeX on 11 Nov 2022 from source files
dated 22 Nov 2019

a998e4ce-f2f7-5577-968e-5d2feef358f1